

# Gonoreea

Rodea tu informacija ki javer čhib? Dža akate [www.hivportalen.se](http://www.hivportalen.se)

Gonorreovela taro bakterie so thajbut tane ko mutereskiri por, o bakterie šaj thaj te aven ko grkljani ja ko paluno thulopor ko džuvlja thaj ko murša O bakterie ko džuvlja šaj te arakhen pes ki vaginakiri ligavica.

O gonorrebuvljakerela pes ko vaginalikano pašljojba thaj ko biarakhlo analikanoseksi. O bakterie šaj thaj te ingarel pes ko biarakhlo oralikanoseksi, thaj ako so nane obično šaj o gonorrete ingarel pes ko barabar (zaedno) onaniriba e direktno kontakteja jeke infektirime ligavicaja. Dovolno samo o naja te aven ko kontakt e infektirime ligavicaja thaj tegani infektirinela pest haj i sasti ligavica. Šaj thaj te astare gonorreako ulaveja sekseskere kelutne bukja (igračke) nekasaja.

## SAVE SIMPTOMIA ISI E GONORREA

I gonorreingarela pes lokhe thaj navaljanela te del nesave simptomia. Bizo simptomia šaj te ingare i infekcija tle sekspartnereske. Jekhalo (isto) agjehar šaj tu te astare i gonorretaro to partneri bizo te hošine (osetine). Alo tuke pharipe, odova astarela taro duj dži ko efa dive taroo vakti so astargjan i infekcija te hošine (osetine) o simptomia. O simptomia sikavena pes thajbut ki forma taro thavdipe taro mutereskiro por thaj šaj te tharel tut ked ka mutre tut. Ako i infekcija bešela ko krlo ja ko paluno thulopor šaj o simptomia te oven polokhe ja palem hič ma te osetine olen.

## TESTIRIN TUT TARO GONORRE

Te kere tuke kontrola baši i gonorre tani bilovengoro Te šaj sikavgjola i infekcija lela pes jek bakterijakoro zumaviba (proba) taro e mutereskiri por. Taro o džuvlja lelape thaj probe tari krlo e matericakoro. Ako sine tut biarakhlo oralikanoseksi ja analikanoseksi valjanela te mukhe zumaviba (proba) taro grkljani thaj taro paluno thulopor.

Testirin tut ako šubakereja kaj astargjan o gonorre. Šaj te džal pobuder dive dži ko jek kurko taro so infektirisaliljan te šaj sikavela o zumaviba (proba) kaj isi tut gonorre. Odoleske ka valjanel tu te adžikere nesave dive palo odova so sine tut biarakhlo seksi angleder te testitine tut.

## SASTLJARIBE

O dikhljariba taro gonorre tano bilovengoro thaj o infekcije sastljarena pes antibiotikaja. Ko vakti e sastljariaskoro važno ma te ovel tut seksi džikasaja, thaj uz odova mora odoreder te kere te mukhe zumaviba (proba) palo o agor e sastljariaskoro, te šaj kontrolirinel pes ako sijan sastljardo taro bakterie angleder te ovel tut palem seks. Dajek puti akala bakterie tane zorale baš o zoridejbe thaj phare te sastljakeren pes. Tegani valjani tuke javer tipi tari antibiotika. Thaj to sekspartneri mora te mukhel zumaviba (proba). Ako isitut pobuder sekspartnerija valjani sarine te dikhljaren pes thaj te sastljakeren pes ko konstatirime infekcije.

## KO SO TE GINDINE (MISLINE) KO GONORRE

O gonorre šaj te astare pobuter puti, tu šaj thaj te astare disave ovipaskere nasvalipa (posledice) ako i infekcija nane sastljardi. O riziko baš o ovipaskere nasvalipa (posledice) tiknjona ako aveja sigate te sastljare tut. O džuvlja šaj te astaren inflamacija (zapalenje) ko jajnikija. O murša šaj te astaren inflamacija (zapalenje) ko pesemenikaja. Jek nasastljardo gonorre šaj te kerel te na oven tut čhave, tegani šaj te ove sterilno. O bakterie šaj te khuyen ko rat thaj te astare rateskoro drapibe (otrovibe).

---

Akala tekstija tane ikalde 2009 taro socialikano ingaribna thaj tane kontrolirime taro HANS CARLBERG, upro o doktori (baro doktori) Sösam, jekhipes baš i seksualikani sastljarin ki klinika baš o dermatologija thaj venerologija, Söder nasvalipaskoro kher (bolnica); HANS FREDLUND, docenti thaj astari-baskere nasvalipaskoro arakhibaskoro doktori ko Örebro, Univerziteteskere nasvalengoro kher ko Örebro; LENA MARIONS, docenti thaj upro o doktori (baro doktori) ki džuvljengiri klinika, Karolinska Univerziteteskere nasvalengoro kher.

---

I grafikani forma thaj ilustracija: Infab

